



SAKSPAPIR

Saksnr	Utval	Type	Dato
10/2020	Kommunestyret	PS	25.02.2020

Sakshandsamar	Arkiv	ArkivsakID
Lin Tove Thomassen	FA-U60, FA-U63	20/116

SØKNAD OM SKJENKELØYVE - LÅGEN SPISERI AS

Vedlegg:

Søknad om serverings- og skjenkeløyve

Tildeling av serveringsløyve til Lågen Spiseri AS i serveringslokale på gbnr. 20/45.

Firmaattest-1

Kart over uteområde

Teikning av lokalet

Bilete av uteområde - 1

Bilete av uteområde - 5

Rusmiddelplan Vaksdal kommune

Rådmannen sitt framlegg til vedtak:

Lågen Spiseri AS, org nr 924000597, og styrar Katrin Faugstad f. 15.12.67 får løyve til skjenking av:

Alkoholhaldig drikk gruppe 1 (over 2.5 og høgast 4,7 volumprosent alkohol) og gruppe 2 (over 4,7 og mindre enn 22 volumprosent alkohol) i tida frå kl. 12.00 – 01.30 innandørs og frå kl. 16.00 – 24.00 utandørs.

Alkoholhaldig drikk gruppe 3 (frå og med 22 til og med 60 volumprosent alkohol) i tida frå kl. 13.00 - 01.30 innandørs og frå kl. 16.00- 24.00 utandørs.

På følgjande vilkår:

- All uteservering vert gitt på vilkår om at det vert halde alminneleg ro slik at naboar og omgjevnadane ikkje vert unødig forstyrta. Føreligg det slik klage, vert vedtak om uteservering teke opp til ny vurdering.
- Konsum av utsjenka alkoholhaldig drikk må opphøyrast seinast 30 minuttar etter skjenketidas utløp.
- Skjenkinga skal følgje gjeldande lover, føresegner og retningslinjer for omsetnad av alkohol. Skjenkeløyve kan inndragast ved brot på regelverket.
- Søknad som gjeld stadfortredar må sendast inn for handsaming så snart tilsetjinga er gjort.

- Verksemd og styrar nemnt i dette vedtaket skal ha god vandel i høve skatte- og avgiftsmessige tilhøve

Skjenkeløyvet føl verksemda sine opningstider og gjeld fram til og med 30.06.2020.

Kommunestyret - Sak 10/2020

KOM - Behandling:

Rådmannen sitt framlegg til vedtak vart samrøystes vedteke.

KOM - Tilråding/Vedtak:

Lågen Spiseri AS, org nr 924000597, og styrar Katrin Faugstad f. 15.12.67 får løyve til skjenking av:

Alkoholhaldig drikk gruppe 1 (over 2,5 og høgast 4,7 volumprosent alkohol) og gruppe 2 (over 4,7 og mindre enn 22 volumprosent alkohol) i tida frå kl. 12.00 – 01.30 innandørs og frå kl. 16.00 – 24.00 utandørs.

Alkoholhaldig drikk gruppe 3 (frå og med 22 til og med 60 volumprosent alkohol) i tida frå kl. 13.00 - 01.30 innandørs og frå kl. 16.00- 24.00 utandørs.

På følgjande vilkår:

- All uteservering vert gitt på vilkår om at det vert halde alminneleg ro slik at naboar og omgjevnadane ikkje vert unødig forstyrre. Føreligg det slik klage, vert vedtak om uteservering teke opp til ny vurdering.
- Konsum av utsjenka alkoholhaldig drikk må opphøyra seinast 30 minuttar etter skjenketidas utløp.
- Skjenkinga skal følgje gjeldande lover, føresegner og retningslinjer for omsetnad av alkohol. Skjenkeløyve kan inndragast ved brot på regelverket.
- Søknad som gjeld stadfortredar må sendast inn for handsaming så snart tilsetjinga er gjort.
- Verksemd og styrar nemnt i dette vedtaket skal ha god vandel i høve skatte- og avgiftsmessige tilhøve

Skjenkeløyvet føl verksemda sine opningstider og gjeld fram til og med 30.06.2020.

Saksopplysningar:

Katrin Faugstad har i søknad, datert 24.01 20, søkt om serverings- og skjenkeløyve for verksemda Lågen Spiseri AS, org.nr. 924000597.

Søknad om serveringsløyve er delegert til rådmannen og vart innvilga 18.02.20. Vedtaket er vedlagt saka.

Søknad om skjenkeløyve skal avgjerast av kommunestyret. Eit skjenkeløyve vert tildelt for ein periode på 4 år, jamfør alkoholova § 1-6. Inneverande periode er i avslutningsfasen og vedtekne skjenkeløyve i Vaksdal kommune er gjeldande fram til 30. juni 2020. Innan denne dato skal det gjennomførast ny søknadsprosess for alle med sals- eller skjenkeløyve for perioden 01.07.20-30.06.24. Rådmannen ser fordeler med at alle skjenkeløyvene vert lagt fram samla og vurdert av kommunestyret, både når det gjeld opningstider og lokalisering.

Lågen Spiseri AS ønskjer oppstart i slutten av februar. I ein ordinær søknadsrunde går alle sals og skjenkesaker av alkoholhaldig drikk til handsaming i Levekårsutvalet først. Dersom denne søknaden skal til handsaming i utvalet, vil det bety at søknad om skjenkeløyve hadde vorte ferdighandsama i slutten av mars. Sidan Levekårsutvalet skal handsame alle søknader for sals- og skjenkeløyve i mai, tenkjer rådmannen at det er tilstrekkeleg at søknaden går direkte til kommunestyret i denne runden.

Eit eventuelt skjenkeløyve for Lågen Spiseri AS i denne saka, bør difor gjelde fram til 30.06.20.

Lågen Spiseri AS har overteke lokala til Naboen Kro & Selskapsmat og ønskjer å starte opp som kafé, bar og selskapslokale. Bygget er i nærleik av daglegvarebutikk, barnehage og private bustader. Søkjar, dagleg leiar og styrar for skjenkeløyve er same person. Vedkomande har gjennomført kunnskapsprøve for alkohol. Det er oppgjeve at andre personar eller selskap ikkje tek imot vesentleg del av avkastinga eller har vesentleg påverknad på verksemda.

Lokalet er tilrettelagd for næringsverksemd med plassering sentralt på Stanghelle, og nær avkøyrslø frå hovudveg. Verksemda har tilrettelagd for både servering og skjenking, noko som er vektlagt i kommunen sin rusmiddelplan ved tildeling av skjenkeløyve. Det har vore kro-drift i dei same lokala tidlegare, eigar opplyser at det er gjort omfattande endringar på kjøkken før verksemda skal starte opp.

Det er ikkje oppført stadfortredar for styrar, då vedkomande pr. no ikkje er tilsett i verksemda.

Vaksdal kommune har innhenta uttale frå NAV Vaksdal, politiet og skatteetaten. Dei hadde ingen merknader til søknaden.

Lågen Spiseri AS søker om både innandørs og utandørs skjenkeløyve, med 50 sitjeplassar på begge områda. Periode for uteservering gjeld frå 1. mai til 1. sept. Utestaden/terrassen er avgrensa med levegg mot området rundt. Sjå vedlagte kart og bilete.

Søknaden gjeld alkoholhaldig drikk for øl (gruppe 1), vin (gruppe 2) og brennevin (gruppe 3) med aldersgrense 18 år ved skjenking. Det skal alltid vere personar over 20 år i lokalet når det er skjenking. Ved større arrangement vert det leigd inn personar til vakthald.

Ønskt skjenketid:

- Innandørs frå kl. 12.00 - 02.00
- Utandørs frå kl. 16.00 - 02.00

Alkoholova § 4-4, 1. ledd, legg føringar for skjenketida. Desse føringane er også i tråd med kommunen sin rusmiddelplan:

Til løyvet er det knytt fastsatt skjenketid. Dersom ikkje anna er sagt er skjenketida:

- *Brennevin (gruppe 3)- Mellom kl. 13.00 og 24.00*
- *Øl og vin (gruppe 1 og 2)- Mellom kl. 08.00 og 01.00.*

Kommunestyret kan, for den einskilde skjenkestaden, innskrenke eller utvide tida for skjenking i høve det som følg av 1. ledd.

Kommunestyret må likevel ta omsyn til at skjenking av alkoholhaldig drikk gruppe 3 er forbode mellom kl. 03.00 og 13.00, skjenking av annan alkoholhaldig drikk er forbode mellom kl. 03.00 og 06.00, jamfør alkohollova §4-4, 4. ledd.

Samanlikna med skjenkeløyve som tidlegare er vedteke i Vaksdal kommune, så har kommunen sin praksisen vore å utvide skjenketida ut over § 4-4 1.ledd. Rådmannen ønskjer likevel å begrensa uteserveringa til kl 24.00 med tanke på bygget si plassering.

Rådmannen tilrår at søkjar får tildelt løyve for skjenking av alkoholhaldig drikk.

Med utgangspunkt i at konsum av utsjenka alkoholhaldig drikk må opphøyra seinast 30 minuttar etter skjenketidas utløp vert det tilrådd at skjenketida for Lågen Spiseri AS vert:

For alkoholhaldig drikk gruppe 1 (over 2.5 og høgast 4,7 volumprosent alkohol) og gruppe 2 (over 4,7 og mindre enn 22 volumprosent alkohol) i tida frå kl. 12.00 – 01.30 innandørs og frå kl. 16.00 – 24.00 utandørs.

For alkoholhaldig drikk gruppe 3 (frå og med 22 til og med 60 volumprosent alkohol) i tida frå kl. 13.00 - 01.30 innandørs og frå kl. 16.00- 24.00 utandørs.

Skjenkeløyvet følg opningstidene som er oppgjeve i søknadsprosessen.